



19 октябрь 2017 й.г.

№ 852

Тошкент ш. – г. Ташкент

**Тошкент вилояти ҳокимлиги хузуридаги Туризмни ривожлантириш  
департаменти фаолиятини ташкил этиш тўғрисида**

Ўзбекистон Республикаси Президентининг “Тошкент вилоятининг маъмурий-худудий тузилишини ҳамда маҳаллий ижроия ҳокимияти органлари фаолиятини янада такомиллаштириш чора-тадбирлари тўғрисида” 2017 йил 20 июлдаги ПҚ-3142-сон қарорига мувофиқ Вазирлар Маҳкамаси қарор қиласди:

1. Қуйидагилар:

Тошкент вилояти ҳокимлиги хузуридаги Туризмни ривожлантириш департаментининг тузилмаси 1-иловага мувофиқ;

Тошкент вилояти ҳокимлиги хузуридаги Туризмни ривожлантириш департаменти тўғрисидаги низом 2-иловага мувофиқ;

Тошкент вилояти ҳокимлиги хузуридаги Туризмни ривожлантириш департаменти ходимлари меҳнатига хақ тўлаш разрядлари 3-иловага мувофиқ тасдиқлансин.

Тошкент вилояти ҳокимига, зарурат бўлганда, Ўзбекистон Республикаси Вазирлар Маҳкамасининг Маданият, санъат ва туризмни ривожлантириш масалалари ахборот-таҳлил департаменти билан келишган ҳолда Тошкент вилояти ҳокимлиги хузуридаги Туризмни ривожлантириш департаменти (кейинги ўринларда Департамент деб аталади) тузилмасига ходимларнинг белгиланган умумий штатдаги сони доирасида ўзгартиришлар киритиш хуқуки берилсин.

2. Тошкент вилояти ҳокимлиги Ўзбекистон Республикаси Молия вазирлиги билан биргаликда бир ой мuddатда:

Департамент ходимларининг штатлар жадвалини белгиланган тартибда тасдиқласин;

Департаментни юкланган вазифаларнинг юқори ташкилий ва професионал даражада бажарилишини таъминлашга қодир бўлган малакали кадрлар билан бутласин.

3. Ўзбекистон Республикаси Давлат бюджети маблағлари, шунингдек, қонун хужжатларида тақиқланмаган бошқа манбалар Департамент фаолиятини молиялаштириш манбалари этиб белгилансин.

4. Департамент Тошкент вилояти, Нурафшон шаҳри, Тошкент кўчаси, 92-уй манзилига жойлаштирилсин.

5. Бўстонлик, Паркент ва Оҳангарон туманлари ҳокимликлари:

бир ой муддатда Департамент худудий бўлинмалари тегишли туман (шахар) хокимликлари биноларида жойлаштирилишини;

Ўзбекистон Республикаси Туризмни ривожлантириш давлат қўмитасининг тавсиясига кўра белгиланган тартибда тадбиркорлик субъектларига туристик йўналишлар ва асосий йўл ёқаларида йўлбўйи туристик инфратузилма обьектлари қуриш учун Ўзбекистон Республикаси Вазирлар Маҳкамаси томонидан тасдиқланган рўйхатга асосан, кейинчалик улар таркибида ахборот марказларини бепул жойлаштириш шарти билан ер майдонлари ажратилишини таъминласинлар.

6. Ўзбекистон Республикаси Молия вазирлиги Департаментга 4 та автотранспорт воситасини, шу жумладан 1 та енгил ва 3 та маҳсус (йўлтанламас) автотранспорт воситасини сақлаш учун лимит ажратсин.

7. Ўзбекистон Республикаси Туризмни ривожлантириш давлат қўмитаси, Ўзбекистон Республикаси Давлат архитектура ва қурилиш қўмитаси билан биргаликда уч ой муддатда йўлбўйи туристик инфратузилма обьектларига қўйиладиган ҳамда туристлар учун барча зарур қулийликлар мажбурий бўлишини назарда тутадиган намунавий талабларни ишлаб чиқсин ва тасдиқласин.

8. Вазирликлар ва идоралар ўzlари қабул қилган норматив-хукукий хужжатларни бир ой муддатда ушбу қарорга мувофиқлаштирунлар.

9. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари - "Ўзбекистон темир йўллари" АЖ бошқаруви раиси А.Ж.Раматов, Ўзбекистон Республикаси Бош вазирининг ўринбосари - "Ўзагротехсаноатхолдинг" АЖ бошқаруви раиси Н.С.Отажонов ва Тошкент вилояти хокими Ш.Х.Бабаев зиммасига юклансин.

**Ўзбекистон Республикасининг  
Бош вазири**



**А. Арипов**

Вазирлар Маҳкамасининг  
2017 йил 19 октябрдаги  
852-сон қарорига  
1-илова

**Тошкент вилояти ҳокимлиги ҳузуридаги Туризмни ривожлантириш департаментининг  
ташкилий тузилмаси\***



\* Бошқарув ҳодимларининг умумий чекланган сони – 35 киши.

Ёрдамчи ҳодимлар сони конун хужжатларида белгиланган нормативлар бўйича аниqlanadi.

Вазирлар Маҳкамасининг  
2017 йил 19 октябрдаги  
852-сон қарорига  
2-илова

**Тошкент вилояти ҳокимлиги хузуридаги  
Туризмни ривожлантириш департаменти тўғрисида  
НИЗОМ**

**1-боб. Умумий қоидалар**

1. Ушбу Низом Тошкент вилояти ҳокимлиги хузуридаги Туризмни ривожлантириш департаментининг (кейинги ўринларда Департамент деб аталади) асосий вазифалари, функциялари, ҳуқуқлари, жавобгарлиги ва фаолиятининг ташкилий асосларини белгилайди.

2. Департамент Тошкент вилояти ҳокимлигининг таркибий бўлинмаси ҳисобланади ва ўз фаолиятида ҳокимликка ҳамда Ўзбекистон Республикаси Вазирлар Маҳкамасининг Маданият, санъат ва туризмни ривожлантириш масалалари ахборот-тахлил департаментига ҳисобот беради.

3. Департамент ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Тошкент вилояти ҳокимининг қарорлари ва фармойишларига ҳамда ушбу Низомга амал қиласди.

4. Департамент юкланган вазифалар ва функцияларни амалга оширишда ўз фаолиятини Ўзбекистон Республикаси Туризмни ривожлантириш давлат қўмитаси билан мувофиқлаштиради, шунингдек, давлат ва хўжалик бошқаруви органлари, маҳаллий давлат ҳокимияти ва бошқаруви органлари ва бошқа ташкилотлар билан ўзаро ҳамкорлик қиласди.

5. Департамент юридик шахс ҳисобланади, Давлат герби тасвири туширилган ҳамда ўз номи ёзилган муҳрга ва бланкаларга, мустақил балансга, банк ҳисоб рақамларига, шу жумладан, хорижий валютадаги ҳисоб рақамларига ва Ўзбекистон Республикаси Молия вазирлигининг Газначилигида шахсий ғазна ҳисобварақларига эгадир.

6. Департамент давлат мулки бўлган ва унга берилган мол-мulkни оператив бошқаради.

**2-боб. Департаментнинг вазифалари ва функциялари**

7. Қуйидагилар Департаментнинг асосий вазифалари ҳисобланади:

Тошкент вилоятининг туризм салоҳиятини тубдан оширишга йўналтирилган туризмни ривожлантиришнинг яхлит концепцияси амалга оширилишини таъминлаш;

туризм хизматларининг ташқи ва ички бозорлари маркетинг тадқиқотларини амалга ошириш, тарихий-маданий меросни тенг тарғиб қилишга йўналтирилган туризм соҳасида фаол реклама-ахборот сиёсатини амалга ошириш, Тошкент вилоятининг туристик имижи жалб этувчанлигини саклаш ва ривожлантириш, Тошкент вилоятининг туризм маҳсулотлари ва брендларини халқаро туристик бозорларга жадал йўналтириш;

туризм соҳасини комплекс ривожлантириш бўйича миңтақавий дастурларни ишлаб чиқиши ва уларни амалга ошириш мониторингини олиб бориш, Тошкент вилоятида туристик хизматлар ва туризм ўз турларининг кенг доирасини жадал ривожлантириш, туристик хизматларни ривожлантиришга хорижий инвестицияларни, шунингдек, халқаро молия институтлари ва бошқа ташкилотларнинг кредитлари ва грантларини жалб этиш ҳамда халқаро стандартларга мувофиқ бўлган замонавий туристик инфратузилмани ташкил этиш;

белгиланган нормалар ва коидаларга мувофиқ туристик инфратузилма обьектларининг санитария ҳолатини қўллаб-қувватлаш ва сақлаш, маданий мерос обьектларини муҳофаза килиш бўйича ободонлаштириш органлари билан ўзаро ҳамкорлик килиш;

Тошкент вилоятида туристик фаолиятни ривожлантиришни тъминлаш, Тошкент вилояти ҳудудида янги туристик йўналишлар ташкил этилишига кўмаклашиш, туризм обьектлари ва туризм йўналишларининг ягона реестрларини шакллантириш;

энг аввало, туристлар жойлаштириладиган жойларда, овқатланиш пунктларида, Тошкент вилояти ҳудуди бўйлаб ҳаракатланиш вақтида туристик хизматларни ташкил этиш ва кўрсатишида туристларнинг ҳаёти ва соғлиғи хавфсизлигини тъминлашга йўналтирилган чора-тадбирларни амалга ошириш, туризм обьектларига ташрифни ташкил этиш, Тошкент вилоятида меҳмон уйлари реестрини юритиш, меҳмон уйлари ва уларнинг хизматлари белгиланган талабларга мувофиқлигини назорат килиш юзасидан ваколатли органлар фаолиятини мувофиқлаштириш;

Тошкент вилоятида туризмни ривожлантиришга, туризм соҳасида тадбиркорлик фаоллигини рағбатлантиришга тўсиқларни бартараф этиш бўйича таклифларни ишлаб чиқиши;

туризм соҳаси учун кадрлар тайёрлаш бўйича таклифлар киритиш, Тошкент вилоятида туризм соҳаси ходимларини қайта тайёрлаш ва уларнинг малакасини оширишини ташкил этиш.

8. Департамент юклangan вазифаларга мувофиқ қуидаги функцияларни амалга оширади:

а) Тошкент вилоятининг туризм салоҳиятини тубдан оширишга йўналтирилган туризмни ривожлантиришнинг яхлит концепцияси амалга оширилишини тъминлаш соҳасида:

туризмни ривожлантиришнинг асосий тенденциялари ва прогнозларини мунтазам таҳлил қилишни ҳисобга олган ҳолда қисқа муддатли, ўртача ва узок муддатли истиқболда Тошкент вилоятида туризм тармоғини ривожлантиришнинг устувор йўналишлари ва вазифаларини белгилашда иштирок этади;

давлат ва хўжалик бошқаруви органлари, маҳаллий давлат ҳокимияти ва бошқаруви органлари ва бошқа ташкилотлар, шунингдек, туризм фаолияти субъектлари билан ўзаро ҳамкорликда туризм соҳасида ягона сиёсатнинг амалда рўёбга чиқарилишини тъминлайди;

туристик фаолият субъектларининг амалиётини умумлаштиради ва фаолиятини таҳлил қиласи, шунингдек, миңтақада туризм соҳасида улар ишини такомиллаштириш бўйича тавсиялар ишлаб чиқади;

туризм соҳасидаги муносабатларни тартибга солишнинг ташкилий-хуқуқий механизмларини такомиллаштириш, туристик намойиш қилиш обьектларини ташкил этиш учун туристик кластерлар худудларини ва бошқа жойларни аниқлаш бўйича таклифларни ишлаб чиқишида қатнашади;

туризмни ривожлантириш масалалари бўйича норматив-хуқуқий хужжатлар лойихаларига таклифлар тайёрлайди;

б) туризм хизматларининг ташқи ва ички бозорлари маркетинг тадқиқотларини амалга ошириш, тархий-маданий меросни тенг тарғиб қилишга йўналтирилган туризм соҳасида фаол реклама-ахборот сиёсатини амалга ошириш, Тошкент вилоятининг туристик имижи жалб этувчанлигини сақлаш ва ривожлантириш, Тошкент вилоятининг туризм маҳсулотлари ва брендларини халқаро туристик бозорларга жадал йўналтириш соҳасида;

туристлар оқимининг потенциал ва истиқболли бозорлари ва йўналишларини ўрганади. туризм соҳасида реклама-ахборот сиёсатини жадал ривожлантиришнинг самарали усуслари ва механизмларини белгилайди;

кейинчалик тегишли таклифларни тайёрлаш учун худудларнинг туризм салоҳиятини ривожлантириш ва тарғиб қилиш ишлари самарадорлигини ошириш мақсадида хорижий ва ички туристларнинг афзалликларини ўрганишга ва туризм маҳсулотларининг энг кўп талаб этиладиганларини аниқлашга йўналтирилган маркетинг тадқиқотларини ташкил этади;

миллий ва минтақавий туризм маҳсулотлари ва брендларининг халқаро ва минтақавий туристик бозорларга жадал йўналтирилишига кўмаклашади;

туристик фаолиятнинг минтақавий субъектларини жалб этган ҳолда халқаро туризм ярмаркалари, кўргазмалар ва бизнес-учрашувларни ташкил этиш ва ўтказишида иштирок этади, Тошкент вилоятининг туризм салоҳиятини халқаро ва минтақавий туристик бозорларда тарғиб қилишда туризм фаолияти субъектлари ва бошқа манфаатдор шахсларнинг иштирокини фаоллаштириш мақсадида уларни рағбатлантириш чора-тадбирлари ишлаб чиқилиши ва амалга оширилишини таъминлайди;

маданият муассасалари билан биргаликда фестиваллар, байрамлар ва бошқа маданий-оммавий тадбирларни, театрлаштирилган томошаларни, шоу-дастурларни ташкил этади;

туристик фаолият субъектлари, оммавий ахборот воситалари ва бошқа манфаатдор ташкилотларнинг вакиллари иштирокида минтақада ахборот турларини ташкил этишга кўмаклашади;

в) туризм соҳасини комплекс ривожлантириш бўйича минтақавий дастурларни ишлаб чиқиши ва уларни амалга ошириш мониторингини олиб бориш, Тошкент вилоятида туристик хизматлар ва туризм ўз турларининг кенг доирасини жадал ривожлантириш, туристик хизматларни ривожлантиришга хорижий инвестицияларни, шунингдек, халқаро молия институтлари ва бошқа ташкилотларнинг кредитлари ва грантларини жалб этиш ҳамда халқаро стандартларга мувофиқ бўлган замонавий туристик инфратузилмани ташкил этиш соҳасида:

минтақанинг мавжуд туризм салоҳиятини, туризм ва логистика соҳасида туристик хизматлар бозори ва инфратузилманинг жорий ҳолатини ва ривожлантириш истиқболларини ўрганади;

туризм соҳасини комплекс ривожлантиришнинг минтақавий дастури ишлаб чикилишини мувофиқлаштиради;

туризм индустрисини ривожлантириш, туристик хизматлар инфратузилмасини, энг аввало, меҳмонхоналарни ва бошқа шунга ўхшаш жойлаштириш воситаларини, транспорт-логистика ва йўлбўйи инфратузилмаларни, асосий туризм йўналишлари бўйича умумий овқатланиш обьектларини ва туристик инфратузилманинг бошқа обьектларини шакллантириш бўйича таклифларни ишлаб чикишда катнашади;

туризм соҳасида, шу жумладан, ер участкалари ажратиш, тижорат банкларининг кредитларини, шунингдек, хорижий инвестицияларни ва халқаро молия институтлари ва бошқа ташкилотларнинг грантларини жалб этиш, муҳандислик-коммуникация тармоқларига улаш, рухсат бериш тусидаги хужжатларни олиш борасида тадбиркорлик субъектларининг муаммоларини ҳал этишга кўмаклашади;

туризмни ривожлантириш бўйича минтақавий дастурлар бажарилиши натижаларининг самарали мониторингини таъминлайди, туризмни ривожлантириш дастурлари амалга оширилишини таъминлашга йўналтирилган комплекс чора-тадбирларни ишлаб чикишда қатнашади;

туризм соҳасини ривожлантиришга инвестицияларни жалб этиш бўйича ваколатли органларга таклифлар киритади;

г) белгиланган нормалар ва коидаларга мувофиқ туристик инфратузилма обьектларининг санитария ҳолатини қўллаб-қувватлаш ва сақлаш, маданий мерос обьектларини муҳофаза қилиш бўйича ободонлаштириш органлари билан ўзаро ҳамкорлик қилиш соҳасида:

туристларнинг ташрифи учун ташкил этилган шарт-шароитлар юзасидан туристик намойиш қилиш обьектларининг ва туристик инфратузилманинг ҳолатини ўрганади, аникланган камчиликларни бартараф этиш тўғрисида кўриб чиқиши мажбурий бўлган сўровлар юборади;

тегишли органларга туристик намойиш қилиш обьектлари ва туристик инфратузилма ҳудудларини ободонлаштириш ва кўкаламзорлаштириш бўйича сўровлар юборади;

замонавий стандартларга мувофиқ амалдаги жамоат ва бошқа санитария-гиена узелларини (ҳожатхоналарни) таъмирлаш ва янгиларини қуриш ташаббуси билан чиқади;

туристик намойиш қилиш обьектлари ва туристик инфратузилма ҳудудларида, шунингдек, уларга олиб борувчи йўлларда қаттиқ майший чиқиндиларни тўплаш, олиб чиқиб кетиш ва йўқ қилишнинг жорий ҳолати бўйича сўровлар юборади;

маданий мерос обьектлари ҳудудларини сақлаш, ободонлаштириш ва кўкаламзорлаштириш бўйича таклифлар тайёрлайди;

муҳандислик-коммуникация тармоқларини, кўчалар қиёфасини яхшилаш ва йўлларни таъмирлаш бўйича таклифларни ишлаб чиқади;

д) Тошкент вилоятида туристик фаолиятни ривожлантириши таъминлаш, Тошкент вилояти ҳудудида янги туристик йўналишлар ташкил этилишига кўмаклашиш, туризм объектлари ва туризм йўналишларининг ягона реестрларини шакллантириш соҳасида:

Тошкент вилояти ҳудудида туристик фаолият субъектлари, шунингдек, маҳаллий давлат ҳокимияти органлари, давлат ва хўжалик бошқаруви органлари ҳамда сайёр ва ички туризм соҳасида бошқа ташкилотларнинг фаолиятини мувофиқлаштиришга йўналтирилган комплекс чора-тадбирларни амалга оширади;

давлат ва хўжалик бошқаруви органлари, маҳаллий давлат ҳокимияти органлари, туризм соҳаси субъектлари ва бошқа ташкилотлар билан биргаликда янги туризм йўналишлари ишлаб чиқилишини ташкил этади;

туристик фаолиятнинг белгиланган стандартларига мувофиқ туристик йўналишларни ишлаб чиқиша қатнашади;

туризм объектлари ва уларга олиб борадиган туристик йўналишлар реестрларини юритишда қатнашади;

маҳаллий давлат ҳокимияти органларига, давлат ва хўжалик бошқаруви органларига ва бошқа ташкилотларга туризм соҳасини янада комплекс ривожлантириш бўйича таклифлар киритади;

е) энг аввало, туристлар жойлаштириладиган жойларда, овқатланиш пунктларида, Тошкент вилояти ҳудуди бўйлаб ҳаракатланиш вақтида туристик хизматларни ташкил этиш ва кўрсатишида туристларнинг ҳаёти ва соғлиги хавфсизлигини таъминлашга йўналтирилган чора-тадбирларни амалга ошириш, туризм объектларига ташрифни ташкил этиш, Тошкент вилоятида меҳмон уйлари реестрини юритиш, меҳмон уйлари ва уларнинг хизматлари белгиланган талабларга мувофиқлигини назорат қилиш юзасидан ваколатли органлар фаолиятини мувофиқлаштириш соҳасида:

меҳмон уйларини ташкил этишига ва уларнинг зарур тарзда фаолият кўрсатишини таъминлашга ҳар томонлама кўмаклашади ҳамда меҳмон уйлари реестрини юритади;

меҳмон уйлари хизматларининг сифати ва хавфсизлигига қўйиладиган талабларни шакллантириш максадида меҳмон уйлари томонидан хизматлар кўрсатилиши жараёни ва кўрсатилаётган хизматлар сифатидан туристларнинг қоникиши даражаси устидан мониторинг олиб боради;

вилоятнинг чекка ҳудудида жойлашган туристик намойиш қилиш объектларига туристларнинг ташрифига кўмаклашади;

оммавий ахборот воситаларида тегишли маълумотларни жойлаштириш орқали Тошкент вилоятининг муайян вақтда ташриф этиш туристларнинг хавфсизлигига таҳдид киладиган жойлар тўғрисида ваколатли органлар билан мувофиқлаштириб туризм фаолияти субъектлари ва қатнашчиларини хабардор қиласида;

ж) Тошкент вилоятида туризмни ривожлантиришга, туризм соҳасида тадбиркорлик фаоллигини рағбатлантиришга тўсиқларни бартараф этиш бўйича таклифларни ишлаб чиқиш соҳасида:

туризм соҳасида тадбиркорлик фаолиятини қўллаб-кувватлаш бўйича механизмлар ва рағбатларнинг самарадорлигини оширишга йўналтирилган комплекс ташкилий-хуқукий чора-тадбирларни ишлаб чиқиш ва амалга оширишда қатнашади;

туризм соҳасида қонун хужжатлари нормаларига риоя қилиниши устидан самараати мониторинг олиб борилишини таъминлашда ва туризм соҳасида фаолиятни амалга оширувчи тадбиркорлик субъектлари орасида тушунтириш ишлари олиб боришда қатнашади;

туристик фаолият субъектларининг туризм соҳасидаги қонун хужжатларига риоя қилишини таъминлаш ва улар фаолияти ривожланишига тўсқинлик қилувчи тўсикларни бартараф этиш чора-тадбирларини кўради;

туризм бозори ривожланиши тенденциялари ва унда юз берадиган ўзгаришлар мониторингини олиб боришда қатнашади;

3) туризм соҳаси учун кадрлар тайёрлаш бўйича таклифлар киритиш, Тошкент вилоятида туризм соҳаси ходимларини қайта тайёрлаш ва уларнинг малакасини оширишни ташкил этиш соҳасида:

давлат ва хўжалик бошқаруви органлари, маҳаллий давлат ҳокимиюти ва бошқаруви органлари, ташкилотлар билан биргаликда ўрта маҳсус, касб-хунар ва олий таълим муассасалари битирувчиларининг туризм соҳасида бандлигини тадқиқ этади;

туризм соҳасида, айникса менежмент ва маркетинг, гидлар (экскурсоводлар)ни тайёрлаш соҳасида мутахассисларни профессионал қайта тайёрлаш ва уларнинг малакасини оширишни ташкил этишга кўмаклашади.

### **3-боб. Департаментнинг хуқуқлари ва жавобгарлиги**

9. Департамент унга юкланган вазифалар ва функцияларни бажариш учун қуийдаги хуқукларга эгадир:

давлат ва хўжалик бошқарувининг тегишли органларидан, маҳаллий давлат ҳокимиюти ва бошқаруви органларидан туризм масалалари бўйича ахборотни сўраш ва олиш;

давлат ва хўжалик бошқаруви органларига, маҳаллий давлат ҳокимиюти ва бошқарув органлари турини соҳасида камчиликларни бартараф этиш тўғрисида, шу жумладан туристик намойиш қилиш ва инфратузилма обьектларида туристлар учун шарт-шароитлар яратиш бўйича кўриб чиқилиши мажбурий бўлган таклифлар юбориш;

мехмон уйлари ва уларнинг хизматларининг меҳмон уйлари реестрини юритишида белгиланган талабларга мувофиқлигини назорат қилиш юзасидан ваколатли органларнинг ҳаракатини мувофиқлаштириш;

туроператорлик ва меҳмонхона хизматлари қўрсатишнинг сифати ва хавфсизлигини таъминлашга ваколатли органларни жалб этиш, қўрсатиладиган хизматларнинг қонун хужжатларида белгиланган талабларга мувофиқлиги тўғрисида улардан хулоса сўраш;

ўз ваколатлари доирасида конференциялар, кенгашлар, семинарлар, симпозиумлар, қўргазмалар ва бошқа тадбирларни ташкил этиш, шунингдек, бошқа ташкилотлар томонидан ўтказиладиган шунга ўхшаш тадбирларда иштирок этиш;

туризм зоналарини ва тог туристик кластерларини ташкил этишнинг мақсадга мувофиқлиги ва самарадорлиги тўғрисида таклифлар киритиш;

Ўзбекистон Республикаси Туризмни ривожлантириш давлат қўмитасига идоравий мансуб ташкилотларда Тошкент вилоятининг туризм салоҳиятини тарғиб ва намойиш қилувчи реклама маҳсулотларини (аудио-видеоматериаллар, брошюралар, хариталар, флаерлар, буклетлар, йўл кўрсаткичлар ва шу кабиларни) яратишга ва нусхаларини кўпайтиришга буюртмаларни, шу жумладан, тендерлар (танловлар) ўтказмасдан жойлаштириш;

мехмон уйларига хизматлар кўрсатувчи тадбиркорлик субъектларидан туризм соҳасида конун хужжатларига ва белгиланган талабларга риоя қилишни талаб этиш.

10. Департамент унга юкланган вазифалар ва функциялар самарали бажарилиши учун жавоб беради.

#### **4-боб. Департамент фаолиятини ташкил этиш**

11. Департаментга Вазирлар Маҳкамасининг Маданият, санъат ва туризмни ривожлантириш масалалари ахборот-таҳлил департаменти билан келишган ҳолда Тошкент вилояти ҳокими томонидан тайинланадиган директор бошчилик қиласи.

Департамент директори мақоми ва меҳнатга ҳақ тўлаш шартлари бўйича Тошкент вилояти ҳокимлигининг мустақил бошқармаси бошлиғига, ходимлар эса бошкарманинг тегишли ходимларига тенглаштирилади.

12. Департамент директори:

Департамент ишини йиллик ва чораклик режалаштиради, шунингдек, бажарилган ишлар тўғрисида Тошкент вилояти ҳокимлигига йиллик ҳисоботларни тақдим этади;

якка бошчилик асосида Департамент фаолиятига умумий раҳбарлик қиласи;

Департамент ваколатига кирадиган масалалар бўйича қарорлар қабул қиласи;

Департаментга юкланган вазифалар ва функциялар бажарилиши учун шахсан жавоб беради;

Департамент номидан ишончномасиз иш кўради, шу жумладан, унинг манфаатларини ифодалайди, Департамент номидан белгиланган тартибда битимлар тузади;

Департамент ходимларини белгиланган тартибда лавозимга тайинлайди ва лавозимдан озод этади, улар билан меҳнат шартномалари тузади ва уларни тўхтатади.

Департаментнинг унга бўйсунувчи ходимлари ваколатларини белгилайди, улар ўртасида вазифаларни, лавозим йўриқномалари бузилганлиги учун жавобгарлик дарајасини таксимлайди, конун хужжатларида ва ушбу Низомда белгиланган тартибда ишончномалар беради;

Департамент ходимларининг лавозим йўриқномаларини белгиланган тартибда тасдиқлайди;

Департамент ходимлари бажариши мажбурий бўлган буйруқлар чиқаради ва кўрсатмалар беради;

вилоят молия бошқармаси билан келишган ҳолда Департаментнинг ҳар йилги харажатлар сметасини тасдиқлайди;

ажратилган маблағлар доирасида молия-хўжалик фаолиятини амалга оширади ва маблағлардан максадли фойдаланиши ва қонун хужжатлариға мувофиқ зарур тарзда хисобга олиниши учун жавоб беради;

конун хужжатлариға мувофиқ бошқа ваколатларни амалга оширади.

Департамент директори ўз ҳуқуқларини амалга оширишда ва мажбуриятларни ижро этишида Департамент манфаатларини кўзлаб иш қўради ва мажбурий тўловлар бюджетга ва бюджетдан ташқари жамғармаларга ўз вақтида тўланиши, иш ҳақи тўланиши, меҳнатга оид ҳуқукий муносабатлардан келиб чиқадиган барча талаблар ва уларга тенглаштирилган тўловлар қондирилиши, бевосита Департамент фаолияти билан боғлик эҳтиёжлар учун пул маблағларини ўтказиш таъминланмаганлиги, унинг ҳаракати (харакатсизлиги) туфайли, шу жумладан Департаментга берилган давлат мулки йўқотилган тақдирда Департаментга етказилган заарлар учун қонун хужжатларида белгиланган тартибда жавоб беради.

13. Департамент фаолияти устидан назорат қилиш қонун хужжатларида белгиланган тартибда амалга оширилади.

### **5-боб. Департамент фаолиятини молиялаштириш**

14. Ўзбекистон Республикаси Давлат бюджети маблағлари Департамент фаолиятини молиялаштириш манбалари ҳисобланади.

15. Департаментга ажратиладиган маблағлардан:

а) Департамент ходимлари меҳнатига ҳақ тўлаш, шу жумладан, иш ҳақига тенглаштирилган барча тўловларни, шунингдек, мукофотлар тўлашга сарф-харажатларни;

қонун хужжатларида белгиланган иш берувчиларга ажратмаларга сарф-харажатларни;

канцелярия сарф-харажатларини;

Департамент ходимлари хизмат сафарлари сарф-харажатларини;

коммунал хизматларга, ўзининг ёки ижарага олинган бинолар ва хоналарни саклашга сарф-харажатларни;

алоқа хизматлариға сарф-харажатларни;

б) хизмат енгил автотранспорти ва йўлтанламаслар, асбоб-ускуналар, ташкилий техникадан фойдаланиш ва уларни сотиб олиш ёки уларни ижарага олиш сарф-харажатларини;

в) Департаментга юклangan вазифалар ва функцияларни амалга ошириш (бажариш) билан боғлик сарф-харажатларни, шу жумладан, туризм инфратузилмасининг янги объектларини лойиҳалаштиришга, шунингдек, турли тадбирларни режалаштириш ва ўтказишга харажатларни;

г) Тошкент вилоятида туризмни ривожлантиришга йўналтирилган бошқа сарф-харажатларни молиялаштиришда фойдаланилади.

16. Департамент ходимларини қўшимча равишда моддий рағбатлантириш қонун хужжатларида тақиқланмаган бюджетдан ташқари манбалар ҳисобига белгиланган тартибда амалга оширилади.

**6-боб. Департаментнинг мол-мулки**

17. Департаментнинг мол-мулки оператив бошқариш хуқуқи билан унга биритирилган мол-мулк хисобига шакллантирилади.

18. Департаментнинг мол-мулки бўлинмайди ва гаровга қўйилиши мумкин эмас.

**7-боб. Департаментни қайта ташкил этиш ва тугатиш**

19. Департамент қонун ҳужжатларида белгиланган тартибда қайта ташкил этилиши ёки тугатилиши мумкин.

Вазирлар Махкамасининг  
2017 йил 19 октябрдаги  
852-сон қарорига  
3-илова

**Тошкент вилояти хокимлиги хузуридаги Туризмни ривожлантириш  
департаменти ходимлари меҳнатига ҳақ тўлаш разрядлари**

Лавозимлар номлари	Меҳнатга ҳақ тўлаш разядлари
Департамент директори	14
Департамент директорининг биринчи ўринбосари*	
Департамент директорининг ўринбосари	13
Бўлим бошлиғи	12
Шуъба мудири*	
Бош юрисконсульт	11
Бош бухгалтер	12
Бош мутахассис	10
Етакчи мутахассис	9
Кадрлар бўйича инспектор (биринчи тоифали)	8

\*) Департамент директори ва бўлим бошлиғи лавозим маошидан 5 фоизга кам.